





先生籍隸海鹽  
世居柯里署名嘉  
興以序言也

純齋南巡時先  
生年甫逾壯

晦堂詩鈔卷之四

嘉興 許燦

擊汰草



迎鑾詩

風動先南國星環共北辰效天行本健躋聖日彌新

睿念遵時豫宸遊法歲巡自聞明詔下顒望屬

車塵

岱觀雲浮日云亭海接天一誠通帝座九點辨齊烟

東國民何幸南人望久懸果然邀聖眷清問及江

孺



繡錯東西浙春回上下江乾坤雄半壁吳越數名邦  
樹扶仙仗汀花引 御艘飛來聲帶喜燕雀賀雙雙  
椒殿移香霧蘭軒從女官尊爲 元后 母 幸處萬  
人歡禮樂 慈宮盛晨昏 帝念安不緣崇孝德塵世  
見應難

芳軌 仁皇建杭州 幸五回至今耆老在親識 聖  
顏來尚感 恩波渥重教笑口開恭逢 繩武日天祐  
永綏哉

夏后徵王會苗山啟瑞圖功垂清晏在 德合古 今  
符 玉輅端 堯彩金吾導 舜趨神人胥 有慶萬

歲効三呼

湖上濃如畫西施曉抹同雲開 宮扇外春到 幔城  
中魚鳥和風及山川瑞氣融 天顏知有喜 宸藻耀  
無窮

草野昭忠愛扶攜次第行幾能瞻 日角遙解拜蜺旌  
踊躍三多頌追隨百爾迎何知春酒薄自達介翁情  
經西城酒壚贈戴二

何處無春酒城闈釀最多歸謀如未可買醉不妨過

古鏡

善銅出丹陽何年鬼工鑿霹靂半夜驚風雨百鍊作旣



濟水火鎔始型錫旃錯如規製端正纖塵不容着精光  
月團鬪寒氣冰洛澤老狸歌喑鳴山雞舞膈膊照市神  
人來映體病夫躍慘淡江心成變化井底託銘文豈糝  
糊背後繞輪郭頻經劫火餘神物肯銷鑠質以堅長存  
代惟遠難度珠粉既拭摩金烟更熏灼忍使矇然昏有  
若水就涸篋笥遠攜將搜竒歷巖壑何煩五嶽圖羣邪  
始絕脚珍重漆奩盛恐有毒龍攫

獨立

暮天矯首蔚藍明爽入林臯萬象清溪上偶然成獨立  
蓼花風起穀紋生

寄郭一鳴

一矢莫教空傳聞審固工南人多未解小學本宜通跋  
扈文壇將安閒射圃雄看君飛動意那不悔雕蟲

新媵鈕烈婦沈氏殉節詩

信美閨中秀成仁海內竒百年將百兩佳婦耦佳兒少  
小瞻依失艱難禮法持桃華初有詠柳絮豈無詞甫羨  
雙鴛好俄驚寡鵠悲生無兒女戀死作影形隨蛾黛容  
誰適鮫綃頸忽垂寧爲賢者過奚假外人知同穴矢先  
日捐軀恐後時朱絲非續命黃絹合鐫碑鄭重輜軒采  
騫騰棹楔施古來尊節義敢道末流衰



送桐源之淮上

頓減看花興，頻憐入雒才。  
鄉關無計住，懷抱爲誰開。  
別路盈千里，離筵有剩杯。  
送春兼送客，南浦重裴哀。  
日下歸來後，清吟不療貧。  
文章信知己，淮海復依人。  
老氣應無敵，新交若有神。  
小山賓客盛，珍重著書身。

春夜陳自天楊源遠郭閱中一鳴友桐枉顧劇談

時源遠閱中有閩漳之行分體賦詩得七言古

文殮初竟闔蓬戶，平頭戛戛方沃釜。  
此際離居轉寂寥，東風釀寒月浸宇。  
入林恐密山恐深，梅花之溪多素心。  
吁嗟我生鮮兄弟，忍復睽阻同商參。  
惠然能來念幽獨，

原遠及三郭  
皆立史記惟自  
天陳子後吳式  
水今仍設書肆  
於

足音登登到空谷，舊雨今雨一笑迎。  
豈有煩憂視丹綠，陳子雅雅卓犖才。  
縹囊萬帙吟邊開，遁名名隨溷闖闖。  
青蓮出水無纖埃，揚生風雨交最久。  
天下量才得幾斗，滑稽罵世迹太狂。  
優孟淳于更何有，別墅苹橋儼畫圖。  
郭家聚秀鍾三珠，二子尚欲退舍避。  
况如僕者能齊驅，伯也潛深木雞養。  
上下古今應如響，繼以仲也高明姿。  
豐城寶氣干雲上，第五多能最少年。  
翩翩畫筆尤爭傳，荆關太虛吳李實。  
斟酌落墨綜前賢，爾儕詩格悉師古。  
迫窘詰屈我無取，且同茗陣鬪旗槍。  
更樹詞壇肅鉦鼓，鳴鉦伐鼓氣飛揚。  
六道分師誰最強，壁壘旂旗皆變色。



短兵狹巷月如霜樂飢獻賦都無賴今夕何夕得良會  
等是人間落魄人聊共閒吟亦奚害人生行樂弗多求  
百年也只百春秋胡爲楊生素安土寔如遠作南閩遊  
郭三行李還同挈穉柳纔芽不堪折異地相思此日花  
故園愁聽明年雪由來聚散本無常出門百里即他鄉  
吾亦遊情不可遏萍蓬遷轉知何方紅蠟如春漸以短  
後約相期勿辭懶清冷還乘明月歸飄零忍見晨星散

菱

澄湖如鏡野雲涼菱翠浮浮引蔓長南浦烟波生絕品  
清秋風味屬吾鄉月沉碧澥花初合霜隕青娥采更忙

聽徧漁孃新水調

白傅詩時唱一聲新水調瞞人道是採菱歌

堆盤須向酒

鑪旁

秋夜桐源繹芻道傳三李子過集借青閣限青字  
霜前涼雨歇秋垆筇屐還家夕照暝依舊山幽生桂樹  
未勞岼北結愁亭暫時會合杯堪把早歲交遊鬢孰青  
從此平原須痛飲不教容易感晨星

晴山采藥圖

倉涼千百峰峰峰秀芙蓉香雲吹不散巖桂羅叢叢道  
書洞天三十六悉是精靈之宅神仙宮茲圖洞天列第  
幾氣象不與凡山同碧空如鏡意颯爽斜日下巘楓葉



紅彼遊者誰子得非白鹿叟黃眉翁世事如蝟毛不以  
干心胸采青棠兮丹棘揖黃石與赤松赤松顧之喜授  
以五種之芝萬年藥攜手上謁東皇公君不見承華七  
夕月玲瓏阿母親乘九色龍金籙乍聞傳祕殿玉箱旋  
見賣扶風不如朱鳥窗前客紫泥蒼虎疇能從仙人長  
生固有道矯首却羨冥冥鴻安能齷齪羈樊籠噫吁嘻  
人生適志必待昏嫁畢將使佺期老死塵埃中

南湘歸自楚

南風吹不盡送客楚江還帆捲黃梅雨眼明白下山飛  
騰尚尊酒辛苦認離顏笑伴如今在懷情忍閉關

題孟襄陽探梅畫扇

清詩吟入冷香間猶有王丞寫舊顏苦憶灞橋驢子背  
一天冰雪幾堆山

官街鼓和長吉

朝鼓鼕鼕發初日暮鼓鼕鼕月纔出故宮春雨弔香魂  
廢塚秋花埋豔骨土碧泉黃月華白夜冷迢迢歸不得  
延年小妹好顏色一顧傾城再傾國疑是疑非惱殺人  
街鼓悲涼無斷絕

送從兄正扶之豫章

竹籠裝瑣碎結束乘明缸惵惵適何所逝將沂西江西



江亦復佳秀靈山水邦念我同祖親別恨填中腔道路  
阻且修暑伏况未降炎威爍竹篙赤日蒸蓬窗獨行水  
陸程顧影乃得雙雖無多行李孱力詎可扛曷不稍延  
佇挈伴載秋艫

秋涼不遽至行期肯更易慷慨辭鄉關銳意作遊客不  
爲刺刺語邑鬱滿肝膈守株良獨難干時正須策望望  
素衣冠津樹忽相隔何以侑離尊一言願尋繹

遣愁亦多具恒情嗜醇醪濁賢而清聖啜醪且舖糟豈  
無勤敏材往往庶務拋亦有靜默姿胡然變魚然兼恐  
穀食減非徒心志淆甚者觴政苛釁隙杯中弢以故悔

過人賓筵戒號呶元酒自有味無亂聖所教旨哉淡如  
水譬彼君子交

雅雅南溪楊錚錚蕩溪李神交有嚴叟耐久得尤子多  
爲八閩遊遠隔天池水各各湖海豪一一共井里行踪  
倘南向相見定色喜丈夫出求友豈無天下士纏綿復  
纏綿我思舊知己爲報山澤癯頽然而已矣

伊昔兩總角讀書溪上樓韶華不相借老大多煩憂君  
年近四十足未逾杭州翻然計門戶遠作千里遊人生  
爲男兒志在車與舟何能戀閨闈行歎復坐愁但期加  
餐飯愛身紹箕裘斟酌可歸時毋爲久淹留依然讀叢



殘老屋東西頭

秋柳

攀條無客不沾裳一望蕭蕭萬樹蒼  
顛顛烟痕秋水澹飄零風信白蘋涼  
寒關可奈聞羌笛暖縷何時覆苑牆  
愁殺啼鳥栖未穩江南江北月如霜

題雜畫

凍天釀雪意淡遣遠峰匿茅檐不見人  
空林自寒色謾謾松籟鳴春山闐然冷溪橋  
人獨還游鱗散筇影靄迺獨歸遲前船渺  
何在林杪認炊烟蘋洲正相待

題外祖項東井公畫

餅山故宅劫灰經薄酒誰澆墓草青  
不及通靈有神物春風無恙畫中亭

題石田翁畫次自題韻

一片花飛春已深板橋垂柳弄輕陰  
溪翁扶杖不知遠時與山僧相對吟

十一月晦日偕李桐源王澄之李繹芻坐分柿山房同限柿字

中冬嬾遂竟九圖數方始予冥蘊雪意欲墮不作水覺  
界轉蕭瑟靈源舊清泚一房窈而深屐兩息凍齒前輩  
嘯咏塲風流賸衰柿我儕亦何爲冷淡得無似里井雖



幸同會合乃適爾迹以屯遇超道於綺言鄙撫晷遲暮  
迫感曩繹思起永希華陽遊直割乖龍耳

池上石龍  
舊能飛潛

### 對雪

酸飈吹轉急曉雪乍堆檐不出冰蹊斷恒饑瓦雀嫌英  
心還自振豐歲得無占正藉衝寒力唯愁酒價添

### 西湖詠孔雀

南飛歸夢遠春暖尾初明山水翠相映文章老更成  
雲還獨上都護有時鳴莫作回眸顧邊鸞正寫生

### 新宮

山水扶佳氣年時駐翠華宮垣猶拒馬苑樹盡藏鴉日

麗五雲闕春生四照花芳堤遊不禁瞻望靜無譁

### 吳山雜句

澗復岡迴石磴盤筇枝頻歇喘初殘不知何處最高頂  
已有江風吹面寒

寒勒梅花開尚稀山蹊昨夜雪鋪齊眼明正藉添幽興  
未可香車蹋作泥

潮聲直上大觀亭於越山多隔岫青可惜晴明看不定  
天風吹浪雨冥冥

好山多作鳳凰飛空翠盈盈欲上衣認取寒林暮鐘出  
亂鴉無數隔江歸



孤山看梅歌

山人老去山誰主有酒空澆一堆土紛紛那識居山心  
塑作形骸亦何苦曉風吹林花更開我行看花今幾回  
山中之禮主賓絕縱令放鶴何人來橫斜浮動春無數  
明朝可惜飄如雨何如一日一枝開日日青鞵不教住

湖心亭曉泊

曉雲漠漠動於烟散逐東風雨滿船一種銷魂六橋柳  
隔湖青到落花邊

次韻王路夜雨詠庭中梅花

惆悵春陰重梅邊雨最饒北枝寒轉勒殘雪影同消玉

笛瀟瀟度隴山黯黯遙喧晴待曉雀吟坐亦無聊

九言爲王聲野表兄題秋山聽葉圖

玉鷗叉子高挂一幅畫虛白之室俄頃堆秋山千巖萬  
壑鬱蒼於下上樹根矮屋結構如禪關商風吹林木葉  
勢欲隨誰子脫帽露頂秋聲悶自非烟霞泉石趣高曠  
那不致身通顯腰青綸種芸先生作客三十載脂車秣  
馬鼓柁何曾閱前年定居別溪溪水上長篇短什搖筆  
吟且刪六峰送青排闥落縹緲一篙漲碧抱舍流彎環  
清風明月不用一錢買胡爲東西奔走家居慳老畫師  
潑古墨寫此卷旅窗坐對太息催南還歸來正值蕭撼



孫字剛部未  
見恐是古文  
俟改

響軒戶哀蟬曲罷流涕長潛潛君喪偶十年矣且共中庭掃葉  
煨宿醞人生快意能使酒膽豚况復三重屋茅未獨破  
何必天下寒士無歡顏

謝聲野惠曹全碑

漢法初能解絨貽響榻良天心留晚出詞客舊珍藏光  
氣生虛白精神寄硬黃幸因殘缺少遺集補中郎

謝惠筆

老訝管城充名憐散卓精雅懷那得吝喜事試來驚闕  
卧書猶拙庭簪事未成還將耐久意相與矢平生

食新蠶豆

一頃南山豆登盤翠莢初汀鄉立夏後風物簇蠶餘白  
酒家人合青燈絮語徐毋嫌滋味少乏月正憐渠

題聲野詩卷

征途回首雪花飛偃息書堂綠漸肥終古工詞枚叔在  
黃金買醉大梁歸平生最得江山助四海無愁唱和稀  
且自聯吟共晨夕河橋鞭影未須揮

飲聽葉山房

夏木千章裏虛庭葉未飄西風吹漸緊何處不蕭蕭客  
路猶馳逐山房轉寂寥誰能辭痛飲孤負此清宵

聲野索題話別舊圖

乏月未詳



披圖重話舊遊蹤想像津亭別思濃九十題詩轉清麗  
風流絕憶倦鋤農卷首有倦鋤先生詩

息恩陳迹廿年過北馬南舩奈老何不獨吟儕半存沒

菽園遺墨已無多圖係繆子菽園遺筆

游仙

瀛洲浮東海洲上多仙家風俗似吳人山川如中華上  
有不死草下有青蓮花不識世間事安用長歎嗟逝將  
從之遊翩然駕雲車但解沉海求能至者誰耶

西王去何速盧生逝不還咄嗟秦漢君無計超塵寰淮  
南好方術對帝乃驕頑雞犬雲中鳴八公歸何山叔夜

曠達士素書不為頌坡前牧羊子談笑諸仙間招手同  
心人金庭共躋攀飲君沆瀣水保我芙蓉顏

長絲綰翔陽縷弱奈無力三舍縱可迴百年詎遑息還  
聞天上苦帝怒杳難測璇宮肅儀仗官吏司糾慝我固  
放散人安能困苛刻服食期長生青棠雜丹棘

題陳自天詩稿

嗟爾才難盡詩篇感遇多寓言恒十五翫世未蹉跎俗  
眼稍能忌人生且放歌惟應疎懶客吟誦百回過

飛蛾

雌螢嗟易誤撲撲赴燈初蹈火心猶烈全身計已疎平

陳自天即翰  
實言書坊  
人  
此詩墨跡  
存陳自天  
見之南嶺記



生飛動意憂患忽微餘不及東家蝶翩然入夢徐

河伯詞 并序

壬申夏秀水孝廉周元禮公車北上夢天帝召  
為河神遂卒於德州之西方庵余竒其事為賦  
此詞

河水悠悠河伯死帝向人間乞佳士公車猶有真孝廉  
挾策何曾獻 天子白楊飄蕭闕紺宮烏嗥月黑生悲  
風夢醒一笑蛻形去功名焉用諸緣空翠旂翩翩擊鼉  
鼓夜夜靈光射龍戶生不能為上柱國便作波神亦何  
苦鮫人織綃千尺長淚珠濺濺情茫茫烟飛浪涌簇紅

鯉回首南雲思故鄉

送金

汝銘

省父嶺表

客鬢南荒雪易侵敢辭萬里獨相尋  
桄榔瘴雨關山遠 薜荔窮居歲月深  
却話親顏猶想像 早催歸計莫沉吟  
倚門正有無涯思 寧但心懸陸賈金

雨後野望和桐源

一雨三日連積潦 盈中庭端居不能出  
愁絕支枕聽朝來 斬然住曦陽曜窗櫺  
豁達心為開如醉乍得醒 當庭施略約著履行  
南垞相逢崆峒子 衝泥步矜行平疇活  
水漲攜手溪梁經 不虞稻穗香迺雜魚氣腥  
頻年苦米



價編戶羞罄餅甫欣百穀熟咸慶田祖靈此雨苟未歇  
將毋炊烟停天心固仁惠婦子庶可寧豈徒書大有喜  
晴當名亭不然還往絕酒伴皆晨星繁聲喧鳥雀霽霞  
抹青冥舉網溪上頭相期帶笈簪

李有容還居老屋

南池喜未平秋水荻苗清可惜蕩花落歸來鷗鳥生故  
廬支枕穩舊雨結鄰成細數釣遊處廿年空復情

秋月

皓彩銀蟾躍青冥玉鏡懸漸含霜氣重復轉桂叢偏夜  
永何難曉烏飛絕可憐惟將清冷意相映寂寥天

題陳咸中小照

雨縷晴絲總帶烟軟風吹作綠沈天曲中愁思知何限  
留取穠陰覆錦鞵

千絲不易縮春暉遊客停鞭緩緩歸莫待白花吹上鬢  
攀條始解惜芳菲

九日用昌黎人日城南登高韻同王元夫澄之李

桐源繹芻楊子讓

嵐爽筇宜搯湖澄漿堪弄久謝炎氛蒸未苦涼波凍近  
阜矢偕躋閒履思一用攀藤勇僉賈蹋葉怯能從劃期  
忽已乖標身竟誰共籬下酒費招帽側風遠送微陽澹



橘柚急雨響菰葑天氣迭慘舒遊情殊斂縱王元夫李李  
桐源志徨徊輪檣事倥偬攜觴急須補申約勿嫌重  
對酒

薄寒永夜愁無寐舊侶何人醒不狂招手酒船共斟酌  
撚髭吟榻獨頽唐三條燭盡援仍止一曲歌成慨更慷  
即是竇家消遣法明朝未許鬢毛蒼

正扶歸自閩中

南閩遠去二千里圓月纔經十七回遊興爾時良獨健  
歸心何事忽相催笑看杜老錢囊在愁問江東米價來  
故里近時居不易翻憐意外得銜杯

竹間

上番移竹已成林空翠寒烟深復深獨往漸徵機事少  
不曾驚起午栖禽

題鄭壽山先生爻石遺照

神人鞭作奴米老拜爲文恭倨迹迴殊權衡禮均爽先  
生抱完璞落落逸民長崧寄自有骨遺韻標孤往風塵  
旣鴻騫烟霞亦鳳想空山悄無人聲氣謝標榜點頭頑  
可偕礪齒潔相賞無妨叔夜絕依然太邱廣

蹋雪訪王澄之適周莘埜在坐快讀主人新什同

賦

通  
用  
第  
字  
平  
上  
義  
同



蕉園荷鉏子歸抱寂寥吟一別清秋暮蹉跎白雪深酒  
人行處得書屋冷同尋不有漁樵侶誰耽山水音

逐魂行

時聞楊子  
人偉哀問

荒林墳多天易昏風淒月黑啼逐魂兒童叫罵不絕口  
惡聲囉囉奪人壽東邨夜半哭聲起道路銜哀逐魂喜  
彼哉於爾何所讎逐其魂魄不少留梯林毀巢張毒矢  
殺汝不能誓不止

王儒光移居

天壤王郎在門闌喜氣充結亭聊岸北辟世即牆東瑣  
具連船載迴廊傍水通燕歸迷舊巷雞放識新豐石友

蒼  
後致

簪仍盍椒筵燭正紅衰稟情款款疇曩話怱怱老屋林  
垌外深交象勺中共推人是玉早覺氣如虹後進有裴  
秀名流重阮种胸應羅四七劍欲倚崆峒遷轉畊南宅  
沉潛面壁功文章經鼓鑄天地入牢籠賤子吞燕鼠離  
愁感塞鴻中間更聚散究竟藉磨礪脫略刪苛禮疎狂  
驗坦衷心知直諒友迹類滑稽雄異數開科特殘年結  
伴同冷波鳴桂權靜室賃珠宮帙映朝朝雪衾寒夜夜  
風囊錐期脫穎街鼓警籠銅三試徒赧尾無人問爨桐  
本來多轉軻詎敢怨冬烘兒女看都大親鄰笑最工寂  
寥傷志氣辛苦學癡聾真作牛衣泣

君名同  
仲卿

何如馬磨



窮壯心銷鍛羽小技悔雕蟲生事餘彈鋏天涯計轉蓬  
干時迴白眼含意怯青驄先路誰馳騁前程且晦蒙劇  
憐雙鬢改猶喜兩心融荏苒家三徙寬閒地數弓藤多  
垂縷縷花合菽叢叢儒服馴山鳥機心付海翁酒徒如  
不厭未可放杯空

除夜

羣動何時息寒扉早閉能緩斟辭歲酒愛對隔年燈煨  
芋僧同淡編詩帙漸增豐凶心最切驗斗更晨興

戊戌李在能周翰垂侯一過并誤後序存括者中

晦堂詩鈔卷之五

嘉興 許燦 衡紫

擊汰草

賦得月波樓

蒙老垂清詠東堂感勝遊畫欄原傍水歌管不驚鷗簾  
際烟常潤城端雨易收漾金波脉脉轉碧月浮浮野色  
平於掌山光遠到眸流傳猶筆墨頽隋幾春秋問酒名  
仍古披圖景獨留何人夜吹笛還倚宋家樓

湖上

秋思動孤往凌波遂渺然湖雲多上樹山雨忽如烟白



鷺采菱外紅蕖落葉前淡妝西子笑風急莫迴舩

自茅家埠舍舟循徑至飛來峰

曉行晴未期爽至雨初斂弭權傍陂陀坦步歷平行蒼  
峰旣跌宕清溪乍迴轉寂喧境迴殊豁鬱情屢變寺隱  
梵響落徑微日光顯怠往詎得幽頻折漸忘遠理公千  
載人靈鷲忽在眼紅橋陡奔峭碧雲自舒卷養氣水石  
間賈勇升絕巘

游弢光

杖策鼓勞屐振衣凌幽岑遠泉靡凡響修篁有餘陰暝  
疑日就暮倦悟峰已深尋異懷所崇躋顛力猶任天地

忽清曠山川杳深沉空翠不成雨微陽轉依林新雲散  
涼吹海氣暢秋襟不惜遺物慮悠然生道心美人期不  
來

謂道傳鳥外舒孤吟

冷泉亭

止峰有動意響泉無滯機衆喧一以寂孤雲還相依秋  
光盪虛曠霽景澄清暉晞髮憩中亭洗心臨前磯眷茲  
人境絕重以山翠圍慮於覺界靜夢逐鷺嶺飛渺懷詎  
有極隱願艱不違易興歸與歎遂感勞者非裴裒撫素  
琴四顧知音希

弢光道中詠泉



原泉遠發高峰顛松石之隙飛流懸斷竹續竹響不絕  
在山出山清可憐明珠自跳客袂雨碧玉欲溼僧厨烟  
澄心一酌六塵淨孟顛成佛何能先

擬遊山陰不果

白馬靈風落怒潮西興沙岸望非遙越州美酒不成醉  
小雨空江暮寂寥

竹礪先生枉顧

老去耽詩鄭祕書風流文采少年如不將毀譽隨時論  
愛向蓬門問索居

答白山

竹礪先生力能吟  
樓主人之夫子也  
有聖至大帝居  
有躬行埋學類  
是鄭以寧者係  
竹礪時許黃翁  
我里其後今極居  
芳安坊老屋

漁客清狂解愛才平居懷抱為誰開葦花菰葉橫塘夢  
鼓柁須尋沙社來

及山雜詠

洗藥井

山中丹竈荒玉虎井邊老不見洗藥人時聞擣藥鳥

及仙石

怪石一拳耳怒作青獅舞鞭汝下滄溟前山響椎斧

銅棺塚

道人蛻形去巾氅亦何有狐兔不敢藏猶疑鬼神守

公主墓



夜月空山冷宮環歸不歸年年野花發蝴蝶作團飛  
藏兵塢

深塢昔藏兵指點不可得猶有戰雲生須臾四山黑  
神官祠

古木叢祠晚空山蠟屐稀東風吹不醒微雨溼秋衣  
鳧冠漚

一泓清且甘酌之昏寐醒那不攜都籃松間支古鼎  
清江宅

不識依山宅誰吟作雪花相逢雙玉女曾與載琵琶  
及山夜歸

涼風生暮寒山心傷寂寞急雨來不來前溪葉爭落烟  
中蟹火微葦際蟲聲作歸路指西塘孤舟夜昏泊

喜戴方大至

黃公壚上酒仍溫楚客難招已逝魂意氣十年蕭索盡  
打門猶喜故人存

羅浮蝴蝶詩用曝書亭集近體韻和娛村先生

異采繽紛只此蟲蠻鄉遺種舞迴風曾經亭長分攜便

憑仗魚師愛護功

竹垞太史自稱  
小長蘆釣魚師

五月南垞暮雨後一

身香霧落花中六峰閣外清吟路綵筆重驚體物工

柳外池隈緩緩飛故山風物尚依稀一雙翠羽鳴相近



四百青巒暖共圍，着意遠尋西子殿。何時化自葛翁衣，  
漆園昨夢遽然覺。好向朱明與息機。

也隨風蝶號春駒，就裏分明看絕殊。十樣宮眉開翠黛，  
九苞雛鳳妒香鬚。人間金粉無雙豔，天女衣裳想六銖。  
聞道王孫深屬意，繡文雖巧比應輸。

葉底何人繭更齊，畫圖空解着金泥。偶然裙色塵中見，  
未易車輪嶺外齊。情重且依山館側，羅隱蝶詩山館主人情飛還  
可憶鐵橋西。不知鷗舅青紅樹，結伴秋來幾箇栖。

題方白山拗罾船

檻外芙蓉岼岼開，新成魚屋占清洄。湘簾楚簟焚香坐，

却有羣山海上來。

細雨斜風也上船，槳牙不動一溪烟。槽牀新漉罾魚大，  
莫問江湖浪拍天。

次韻寄南湘

舊遊回首付軒渠，擔榼誰過寂寞廬。兩地心情今夜月，  
三年塵土故人書。風寒易水聞歌罷，春老黔山駐馬初。  
辛苦天涯猶未息，何時還共把茅居。

次韻答南湘

晨汲下修綆，懷人渺無已。輓轡空轉銀牀間，鯉魚不到  
寒泉裏。南帆北轍往復還，絕句徧畫旗亭間。掉頭忽厭



北舫名其源  
即陳書坊

齊與楚馬蹄又蹋燕中山如今神駿至者幾金臺百尺  
高難攀眼青尚有春來柳壘塊憑澆桑落酒歌成真道  
成黃龍夢回定擬彈烏白黔南迢遞氣沉冥重書驢券  
借圖經出門千里萬里何不可惜哉翱翔逐汝無修翎  
自從別浦併同倒離索何繇豁襟抱風土荒涼羅鬼國  
鶯花冷落裴公島目送天邊雁影單秋心不覺今年早  
越人自唱雞壇歌車笠之盟將奈何歸期瓦卜無蹉跎  
北堂去日良已多承歡樂事正自有不獨橫及舊約扳  
藤蘿

戲咏北舫瓶中桃花

曾聞江上歌桃葉我自來迎劇可憐何處天紅未憔悴  
因風早乞一枝妍  
案頭新采麗初桃不是綏山亦足豪遲日垂簾聞太息  
也須深避內人刀

野步

野橋風急髮鬢髻布穀聲中雨欲乘行盡顏垣香不斷  
白花無數鷺鷥藤

黃梅

黃梅風雨猝然生又見蹄泔水易盈輸與蠻鳩鳴得意  
寄聲乾鵲莫呼晴



讀張浦山先生畫徵錄賦贈

神明虛實化多師一字榮嚴藉品題直為千秋開覺路  
苦心想見著書時

風雅何人較短長不徒選體冠吟塲杜陵老去光芒在  
留得瓜田一瓣香

曾展幽尋半九州題名到處八分留廣輪歸訂諸家誤  
鍵戶依然萬里遊

青山白社好盤桓何似孫登窟室寒鶴頂徵書休更責  
高人無夢到長安

呈少司寇錢先生

昔弭關隴駕馬首迎華山拔地五千仞絕頂誰躋攀平  
生見培塿於焉快殊觀偉人鍾間氣嶽降非偶然功名  
在國史山斗昭人間竒才元祐蘇鉅儒元和韓一時賢  
達士大都歸其門乃知休休心四海納百川一登畫錦  
堂復覩西嶽尊不得九節杖曷窺玉女盆

弱齡操翰墨幸生風雅鄉雖乏振綺才結習未能忘井  
蛙窺藻景窗蠅鑽末光精理徒恍惚岐途獨徬徨詎知  
蓋代手萬象為文章起衰匪異人作者遂升堂不虞駑  
駘鈍豁然示康莊終慙伯樂顧矯首冀騰驤往者良以  
晚來者庶無荒



少陵不喜陶泉以詩謂近

於自放廬陵不愛杜白以

過於牢愁紫陽不善木

白作謂隣於狂乃知詩有

別腸執一則膠三百篇中

作不一子而忠愛之忱於此

與賦流霄一也

宁集近體韻

似葉風肯似等閒舒妄藻

不江路帳下紅羅茵閣中

侍時工

世間稀由來華首仙人馭

余女扇絳綃不卷漢宮衣

賦錦機

詠羅浮題詩遠

近和者多十人王

意園先生生多樹

一憾發字韻而不

相下時目為梅溪

詩陣娛村老人暗

與行成二云不許反

戰死詩壇不學功

偶被輕裝遠客齊

侶儔相憶隔雲泥

人間行止都無定

物類遭逢亦不齊

潛夢自沉芳蕙徑

名山舊在博羅西

巔未詳音義

放還可解從容去

錦繡峰巔逐隊棲

自天席上送儒光

入洛

銀餅試問麴院金

釵却倚歡門最是

東京上戶何如北

觴清尊

一鞭讓爾先着二

室容我徐來不賴

南鄰朱老謂菊此

地誰共銜杯

送儒光

里巷嬉遊廿載過



再詠羅浮蝶仍用曝書亭集近體韻

洞天靈氣孕飛蟲懸繭飄零柏葉風肯似等閒舒妄藻  
早看締構有神功箱籠黃竹珠江路帳下紅羅菌閣中  
乘煖忽驚生意動文章始覺待時工

白日雙雙鄭重飛天然明豔世間稀由來華首仙人馭  
又見南園碧樹圍香霧乍開秦女扇絳綃不卷漢宮衣  
參差若遣當窗舞花樣新翻織錦機

漢王妙筆寫春駒對此應嗟與俗殊腴腹可憐渾是錦  
聳眉試遣總無鬚丹青海樹明朝旭古佛田衣豔六銖  
縱使羅裘工幻化豈宜相並較羸輸

詠羅浮蝶詩遠  
近和者幾十人王  
蕙園先生多樹  
一憾發字韻而不  
相下時目為極傑  
許陣娛村老人暗  
與行成云云不許  
我死許壇不學功

巔  
未詳音義  
或疑巔之轉

偶被輕裝遠客齋侶儔相憶隔雲泥人間行止都無定  
物類遭逢亦不齊潛夢自沉芳蕙徑名山舊在博羅西  
放還可解從容去錦繡峰巔逐隊棲

自天席上送儒光入洛

銀餅試問麴院金釵却倚歡門最是東京上戶何如北  
舫清尊

一鞭讓爾先着二室容我徐來不賴南鄰朱老謂菊此  
地誰共銜杯

送儒光

里巷嬉遨廿載過壯遊今日豈蹉跎不妨飄泊分天地



未可栖遲戀薜蘿子立平生朋友貴中年涕淚別離多  
長空目送冥冥雁弱羽飛騰奈晚何

城南邂逅金衡一同舟夜歸

斜日挂城頭平湖葉葉流鐘聲十三寺秋色一孤舟朋

喜西南得人思下上求

桃花里為詩人顧猷舊隱

不知天際月已滿

荻花洲

夜過梅溪

鐘度碧溪水竹籠青豆房歸人

吳升開

踏微月落葉響迴

塘色相僧初定空門夜最長高吟警栖雀飛破一杯霜

番鴨

客從海外歸攜得一雙鴨方籠編箇籥安置特妥帖見  
者詫未曾扣戶來迨還其雌稍馴順毛色水土雜彼雄  
何癡肥桀鶩不受狎修翎白爭鵝丹砂面匝駮走五  
歲兒昂首上肩胛健或過牆飛很且迫人嚼縱之溪塘  
幽肯與衆鳥接當其游天池洪濤逐碣磔陋哉一勺多  
諒豈心所愜人生俯仰間待養類非乏豢此夫何為恐  
傷治生法家有儋石儲罄之供唼噍故肥既已減旬月  
復難給曾聞鶴可煮定為汰不急盍付廚人烹兼可酒  
徒合不見青帘飄糟牀夜來壓

挂席



名山吾欲往挂席有誰圖野斲魚叉集官橋酒旆孤天  
寒將雨雪歲晚且江湖纖月銀鈎掛微明也勝無

蘭塚篇有序

苔上葉君春嘗以蘭名結綠英者贈其友未幾  
友死戚某欲攘之而結綠英竟槁死葉君重其  
義葬諸罨畫溪濱表曰蘭塚系以銘遠來徵詩

爲賦十韻

猗蘭秉幽貞本不因人芳春風相汲引聿登君子堂荷  
彼珍重心揚揚香詎歇逝者不復留芬芳爲誰發靈根  
一朝死感激酬深恩豈無他人好奈何匪思存誰謂國

香知報以衆草顧誰謂國士交報以衆人遇古銘耀貞  
石畫溪崇香阡知己良獨難踟躕起長歎

適越

竟負中州約翻投古越城人生無逆料親在敢遐征跋  
涉舟車雜艱難去住并廿年行役少小別亦傷情

江上

東風逆我漸江湄徑渡蒼茫攬眺宜白馬怒吞勾踐國  
碧幢閒卓廣陵祠潮痕不盡升沉感山勢俄令向背疑  
一道蒲帆數聲笛海門雙闕雨絲絲

西興



南郭孤帆去西陵古渡存潮生沙岸改烟動越山昏芳  
草飛花路青帘賣酒村望中無限樹楊柳最銷魂

路轉

路轉芳菲外香攀氣息邊鴛鴦翻上樹蝴蝶遠隨船桃  
葉誰相接桐花特可憐紅闌橋下水定與若邪連

題畫

深林樹樹有烟棲一路青山指會稽鐵笛無聲秋似水  
書樓猶隔數峰西  
秋烟不隔遠來鐘何處精藍隱暮峰野老未嫌溪徑黑  
松杉影裏獨搘筇

南鎮

形勢躡天根嵯峨蔽曉昏滄溟橫覽小南紀此山尊一  
氣金庭合神書玉簡存共傳雷雨夜朝拱百靈奔

禹陵

萬國羣侯會雙圭兩曜開空山歸玉帛祕殿鎖風雷猿  
嘯猶虛窳龍還失舊梅未逢蒼水使徒羨腐遷才

越王臺

遠目窮秦望崇臺聳越封霸圖三月弩暝色一枝筇訓  
聚重懷古登臨始破慵解衣恣盤礴惆悵鼓山鐘

種山



可歎南陽宰隨潮去不歸怒濤奔重水虛墓落斜暉  
陸壘龍猶卧張羅鳥自飛五湖生計在輸爾獨知幾

若耶溪

悅已何人是西施且浣紗君王非爲色歌舞獨辭家  
紅粉溪邊石芙蓉鏡裏花風光應未減游女最天斜

題南溪放鴨圖

徼外孤帆料峭開輕籠空載海禽回風波歷徧掀髯笑  
還向南溪放鴨來

伍烈女

清寒上梅花照影溪中水伍煜第五女生長梅花里  
欸媒妁通許嫁王氏子一言結夫婦兩家大歡喜女生  
十六七顏色朝華榮樓居儼神仙鏡臺耀明妝紅白青  
絲綫精心繡衣裳上爲竝頭花下爲雙鴛鴦親鄰走看  
視妙手無比方他年作新婦被服生輝光王郎素清羸  
竒疾崇朝櫻登名泰山籙壽命那得長凶問入樓中驚  
起推繡牀山雞對鏡舞心知不能雙身上豔色衣耳後  
明月璫當時便脫卸縞素凝雪霜撫膺哭號咷一日無  
停聲長跪告父母垂慈察兒誠兒不讀詩書但知夫爲  
天夫今旣長逝願往奔其喪願得視棺斂可憐昧平生  
便可白公姥及時來相迎去去不復歸大人勿悲傷阿



父聞女言默默懷游移阿母聞女言哽咽強致詞王郎  
既天歿兒猶父母兒生未爲彼婦豈作死者妻兒如春  
花苞彼若秋草萎本自不相識何用相追隨阿弟聞女  
言捉鼻笑其癡阿姊聞女言掩面涕漣瀾更不白公姥  
女意何由知女意何由知女心固已決不容生相守便  
當死相結高樓凌晨起仰天獨嗚咽向空呼父母未拜  
腸已絕好在諸姊弟兒今當永訣皚皚白鹽汁蘊毒善  
殺人飲之一甌盡痛苦天地昏父母驚聞知急救來蒼  
黃兒何徒自苦性命鴻毛輕天平何不諒求死乃得生  
親鄰走相勸嘖嘖稱女賢吁嗟女雖賢不顧父母恩父

母生女來鍾愛逾等倫忽然自決絕二老豈能存曷不  
事父母孝養終女身女聞自忖量此意實兩全迴眸顧  
阿父阿母同尪孱危哉草頭露安能保百年我姑待親  
終從夫歸黃泉低頭謝父母回身別親鄰上樓不下樓  
警欬罕得聞辦香禮空王皈依絕諸緣紅白青絲綫苦  
心繡長幡檢點嫁衣裳箱籠鎖重塵不成竝頭花翻作  
獨活草不見雙鴛鴦唯聞逐魂鳥如是數載間枕有新  
啼痕父母加愛惜重思締良姻豈伊匪石心試可探微  
言東村有少女未嫁夫溘捐更字夫已氏男女羅鄰前  
西村有嫠婦經年閱艱屯更作商人妻乃今富金錢名



阿母所言即  
左氏傳所紀  
人亦夫也文一  
而已之語

節豈不佳人事難具論女聞變色起母言來無端兒豈  
博名節祇求心所安人生各有志胡乃相迫煎兒不讀  
詩書但知夫爲天皇天倘有二兒意誠過堅靈鵲知天  
霽蠻鳩知天陰託身爲母女不能鑿中心阿母盡傷懷  
不忍更申說五步一徘徊十步一歔歔中堂坐良媿縷  
縷述衷私里有大豪賈家多積貲財遼左販參貂粵浦  
收珠璣市中何所有爽塏屋百間郭外何所有膏腴千  
畝出郎君美少年骨相甚豐厚更無別兄弟才具復不  
醜五曹究毫芒十字識八九跨馬不攀鞍射生必貫首  
頗聞有令女願得成匹偶阿母語阿父此事直相諧譬

如薦女蘿託附松柏枝媒人出門去聘物明朝來泥金  
繡袂裙蛺蝶雙雙飛同心碧玉環百子黃金釵繒采錯  
衢巷棗栗充庭階行人駐足看鄰里還嗟咨父母迭警  
戒無使樓中知但當促親迎貞烈無所施媒還語郎君  
微吾善說辭難得好女子郎即蠲佳期其時事機密越  
日女迺覺哀哉一何愚疇昔固求死豈復愛微軀我姑  
待親終特爲前言留天平縱不諒胡爲翻見欺從此死  
無憾獨憾今已遲案頭并州翦門前梅花溪後園百尺  
井死耳奚擇爲阿母顧阿女處心蹈叵測愛惜中猜疑  
比若蜚蜚負朝夕不敢離一月三十日一日十二時兩



烈女家住中環  
橋北坑橋街東壁  
今居朱氏屋致嘉  
慶年中樓尤無  
敢居者今則在  
又按烈女石坊立  
北坑之水間

人互察伺各各志不衰如是半載餘母病驟以興徬徨  
不解帶悲喜方寸并所悲病未起所喜隙可乘歸我樓  
上居仰天獨嗚咽向空呼父母兒今便永訣鏡臺久不  
開拂拭理鬢髻整頓素衣裳從容攬朱繩自挂中梁下  
七月無蚊蠅層樓鬱岩堯貯之玉壺冰逝者含笑去弔  
者含悽登殺身士所難何況弱女子殉夫婦所難何況  
未嫁死歌詩備輜軒采擇上 國史

### 沈貞女行

芝草亦有根醴泉豈無源請看節義事多出詩禮門沈  
氏有令女生長吳興之野竹溪之濱許嫁徐之濟家在

烏戍號能文合登業有期之濟乍蘭摧母謂女性激烈  
但當隱匿赴問母使得聞知奄忽一歲餘事體漸昭彰  
長跪父母前兒當歸徐持夫喪禁之不可止上下二三  
兄弟慮有變起各各來送行拊棺一慟白日寒鄰里媼  
黨嘖嘖稱歎莫不涕淚闌干回身別兄弟長侍姑鄰下  
幸還白二親勿復自悲苦之濟有時生女亦有時歸事  
姑更以孝著標格女史由名閨殉身易守貞難誰采此  
言入彤管用爲千秋烈女金鏡觀

### 乙亥中秋

雨勢初停彼月微妖墓終敢蔽清輝雲霾何惜青冥掃



絃管難吹玉鏡飛但免愁霖災黍稷不妨滄海少珠璣  
越醪在手杯頻放可爲新寒念絮衣

寄輓畊隱先生

疴鬼餘威奮星占果不差徒然遺竹徑未及看梅花垂  
死何曾別人生信可嗟舊遊還歷歷回首淚無涯  
孤露誰曾識忘年許論交逢人多醉尉知己獨寒郊鄰  
欲誅茅結詩從耗紙鈔相於膠漆外不遣愛憎淆  
髯鬢看看白平頭六十過古風時輩少憾事暮年多入  
市稀踪跡吟詩獨獻歌遺文費收拾後死莫蹉跎  
往者漳濱卧頻叨視疾行泥塗衝雨雪情話感平生期

我名全負依人夢數驚臨風寄哀輓泉路識驢鳴

對菊

九月官齋暖桃梅也作花吾還延壽客人道似山家得  
氣深秋正徵竒竝蒂誇本來甘冷淡翻似競穠華  
又作無言對家山遠意緘頽齡期爾制荒徑倚誰芟人  
事楊朱路吾生杜甫鏡滿頭渾懶插歸夢落江帆

瑯琊

瑯琊兄弟兩詞豪書札虛煩解鬱陶征雁自衝嵩少雨  
浩蛻更負廣陵濤猶聞別調彈長鈇不少歸心折大刀  
鄭重雙銀慰淪落平生涕淚一綈袍

瑯琊園之子秋  
坪南田也



秋懷

鐵騎遙屯塞上山明駝千里捷書還七旬舞羽仍敷德  
六月征車已入關城闕受降衙帳遠歌騰壯士角弓閒  
於今門內星俱靜王會非徒致八蠻

聖湖山水被虞風 行殿長瞻瑞氣籠萬馬敢仍窺塞  
下 六龍重許 幸江東宮槐御柳春先待錦纜牙檣  
使已通不是重違方面意時巡原自厯 宸衷

三吳兩浙廣輪連海雨江風一夜顛豈意頓添盈丈水  
遂令久浸數州田 朝廷遠慮流民畫樂府新愁白飯  
篇蠲恤自 天皆實惠好憑賢吏奏安全

嘉禾亦是膏腴地九月新禾不入箱賤米惟思追李峴

歉年兼恐及淮方

李翰嘉興屯田紀績頌曰嘉禾在全

康嘉禾一歉江淮為之儉

何時射的山重白辛苦諸田雀自黃轉漕

由來關 國計編氓努力實神倉

感懷

江天搖落肅蒼乾荏苒他鄉候乍寒烏鵲南飛空繞樹  
青山西笑獨憑闌文章知己原無據貧賤驕人也大難  
庭際桃梅零落盡蹉跎華實有誰看

寓中八月桃有華九月梅亦華

得金衡一寄詩

七舍揚州郭春帆去渺然梅花何水部禪榻杜樊川大



有懷人詠遙憑估客船二分明月色移照行波牋

郭外

風前疎葉飽經霜半欲深紅半欲黃家在江南看未足  
郭門十里帶斜陽

種山鱗屋壓巔岼竹樹陰陰翠未殘絕勝趙樓臺畫本  
粉廊丹榭隔城看

水明山淨暮烟消十里叢祠五里橋不識流觴亭近遠  
但逢佳處一停橈

游蘭亭

清明十月氣澄鮮指點蘭亭隔渚烟齊跨疲驢尋畫景

不驚虓虎罷吟鞭

時有虎警

青山徑折平橋外紅葉聲清野

店前但使永和諸老在風光何似暮春天

孤亭清峭迴無塵王謝風流迹已陳少長不殊脩禊日  
山川應有賦詩人鼠鬚醉墨千秋感石磴閒筇百嬾身  
俯仰可勝懷古意顏華西匿更逡巡

謝徐可亭惠贈定武斲損蘭亭搨本

右軍神品脩禊帖千秋萬古不可階臨摹奚翅幾百輩  
獨數定武本最佳定武之石亦有二較量不露纖毫差  
此碑昔輸宋官庫真鼎竊負驅瘦駟誰其易者薛師正  
刻損字畫甘譏排矯詔竟觸丞相忌重輦幸脫完顏蓋



維揚兵火四郊徧，智爨一擲瓦礫皆神司。鬼守豈終秘，  
世無識者寧長埋。文光夜起木蘭院，二十八宿相劇挨。  
珠沈碧海三百載，東陽蹉節臨江淮。苾蒭鮪幽至寶出，  
天地爲之掃晦霾。比方漢璽一角闕，五色欲補愁聖媧。  
懷仁已死僧莫賞，使者歸載蘭江涯。後人世守慎，椎拓  
縱有蕭翼徒徘徊。諸家考古錄，罕及何異籍。未通圓牌  
相傳，昔遭令長賺，肩輿疾去如飄颻。生嗔耳孫當道索，  
悍然作勢拋烟街。斷石四五躡響，搨繚以鐵索。鎔頑錯  
南州高士好遊歷，金華仙洞騰梭鞵。談逢牧豎羊叱石，  
行逐樵徑松搖釵。驟聞神物心忽動，迫於甲坼催陳芟。

經營慘淡得數紙，緗縑什襲行篋偕。展翫特防俗子睨，  
長鬚會意關門闔。物少爲貴合珍惜，所至寶晉應名齋。  
山陰道上笑謂我，側掠努趨書全乖。歲稔啟鑰出移贈，  
早有古香充戶堦。鬼雖在腕心解好，譬若有酒從無膜。  
自來肥瘦本不一，議者聚訟紛嗷喋。延之順伯各有見，  
涪翁持論平不佻。諦觀此本亦近瘦，妙不露骨彌劾勑。  
宣和舊法特精慎，匱紙三疊加檀揩。君從何處得名手，  
大有神氣非形骸。晴窗掃几臚別本，仙姿迴不齊。妖娃  
昭陵繭紙向兒乞，雲烟過眼伊可懷。此石流離閱劫火，  
迺不焚燬隨其藍。我癡頗似趙子固，性命可輕當模楷。

險韻以和平  
右之大字亦  
領字逐如是



梯枕不下柿葉貯凡骨詎易窺根厓天寒歲暮決別去  
圈蓬穩載還荆柴對黠官燭復何日但當握管思朋儕  
興酣韻險忽滿紙勿嫌方便刪俳諧

越江吟送宗震揚還南昌

越江始波秋過中輕裝初卸青箬蓬越江未冰冬甫半  
歸興便如春酒濃君近滕王罷舞之傑閣我近秦皇駐  
蹕之高峰雲飛南北忽邂逅合并洵屬天心工桂花纔  
謝籬菊綻虛堂明月離塵籠越州美酒琥珀色官燭休  
燼杯休空有時挽袖關強弓山猿跳號飛鳥絕少年意  
氣何英雄楷書落筆驗心正復有秀色生毫鋒名家子

孫固自別才美不墜台州風

令祖嘗守台州

結交兩浙獨愛我

往往譚吐傾心胸我無媚骨與佞面軒裳豈得聯歡悰  
世途相士別有識但舍合意皆凡庸人生知己一不恨  
猖狂底用悲途窮君有令弟文詞宗丹邱之鳳平輿龍  
讀書寡交士本色豈有勢利櫻其衷臂雖未把心已服  
迢迢結念無由通君今歸去何匆匆椒筵正好歡慈容  
我欲挽之轉縮手倚門大抵親心同酒酣閣筆一惆悵  
江天落葉分西東

震揚復留一月歲暮決歸再送以詩

平生繾綣意多在送行時豈不悟聚散其如感別離後



遊那可必前事尚堪師願展殘冬閏重留一月期  
行裝看整頓歸意豈能留冰雪歲將盡風塵役未休便  
催征舸發早釋老親憂我亦還家去相思夢越州

丙戌秋後乃先生謀存三卷的業未刻今并  
應于翁以符皮之好筆者梓焉

越九年周翰重讀 越十一年周翰又讀

同里後學李幹孫拜讀第七次





